

皇元征緬錄

皇元征緬录

一册

北京市中国书店出版
北京市新华书店发行

定价：八元

元朝征緬錄

朝廷以至元十年始遣使招緬不至十四年春緬人犯
邊偏將忽都土官信直日輩大敗之十月行省遣納速
剌丁破其三百餘砦然皆方面疆場之事二十年始詔
宗王相吾答兒徃征破其江頭城二十二年乃議納款
貢方物既其王為庶子不速速古里所囚大德 年其
臣阿散哥也復擅廢立四年命宗正潤潤雲南省平章
政事薛超兀兒忙兀都魯迷失等率師問罪功不就而

還臣作政典見高麗有林衍承化公金通精之亂今緬
亦似之皆叢爾國而屢有弗靖至煩朝廷兵鎮撫可憐
哉至元八年大理鄯闡等路宣慰司遣乞台脫因等
使緬招其內附不得見其王見其臣下遣价博者偕來
十年以乞台脫因充禮部郎中與勘馬刺失里及工部
郎中劉源工部員外郎卜云失充國信使副持詔往諭
徵其子弟大臣來朝十二年四月建寧路安撫使賀天
爵言金齒人阿郭知入緬三道一由大部馬一由縹甸

一由阿郭地俱會緬之江頭城又阿郭親戚阿提犯在
緬掌五旬各萬餘欲內附阿郭願先招阿提犯及金齒
之未降者為引導雲南省因言緬王無降心去使不返
必須征討聖旨姑緩之十一月雲南省始報差人探伺
國信消息蒲賊阻道今蒲人漸多降者道稍通遣金齒
千額總管阿木探得國使已達緬俱安十四年三月緬
人以阿木內附怨之攻其地欲立砦騰越永昌之閒時
大理路蒙古千戶忽都大理路總管信苴日總把千戶

脫羅脫孩奉命伐永昌之西騰越蒲驃阿昌金齒之未
降部族駐南甸阿木告急忽都等晝夜行與緬軍遇一
河邊其眾約四五萬象八百馬萬疋我軍僅七百人緬
人前來馬次象次步卒象被甲背負戰樓兩傍挾大竹
筒置短槍數十於其中乘象者取以擊刺忽都下令賊
衆我寡當先衝河北軍親率二百八十一騎為一隊信
苴日以二百三十三騎傍河為一隊脫羅脫孩以一百
八十七人依山為一隊交戰良久賊敗走信苴日追之

三里抵塞門旋寧而退忽南面賊兵萬餘繞出我軍後
信直日馳報忽都復列為三陣進至河岸擊之又敗走
追破其十七砦逐北至窄山口轉戰三十餘里賊及象
馬自相蹂死者盈三巨溝日暮忽都中傷遂收兵明日
追之至千額不及而還捕虜甚衆軍中以一帽或一布
靴一氊衣易一生口其脫者又為阿木昌邀殺歸者無
幾而官軍員傷者雖多惟一蒙古軍擊獲一象不得其
性被擊而斃餘無死者十月雲南省遣某道宣慰使都

元帥納速剌丁率蒙古蠻獍摩些軍三千八百人征緬
至江頭深蹂首首細安立砦之所招降其木乃木要蒙
帖木巨木禿磨欲等三百餘砦土官曲臘蒲折民四千
孟磨愛呂民一千磨柰蒙匡黑答八刺民二萬蒙古甸
甫祿保民一萬木都彈禿民二百以天熱還師二十年
十一月王師伐緬克之先是詔宗王相吾答兒右丞太
卜參知政事也罕的斤將兵征緬二十年九月一日大
軍發中慶十月二十七日旌南甸太甲由羅必甸進軍

十一月二日相吾答兒命也罕的斤取道於阿昔江達
鎮西阿木江造舟二百下流至江頭城斷緬人水路自
將一軍從驛甸徑抵其國十一日與太卜軍會十三日
令諸將分地攻取十九日破其江頭城擊殺萬餘人別
令都元帥袁世安以兵守其地積糧餉以給軍士遣使
持輿地圖奏上二十二年十一月緬王遣其鹽井大官
阿必立相至太公城欲來納款為孟乃甸白衣頭目解
塞阻道不得行遣膽馬宅者持信搭一片來告縹甸土

官匿俗乞報上司免軍馬入境匿俗給榜遣膽馬宅回
江頭城招阿必立相赴省且報鎮西平緬麗川等路宣
慰司宣撫司差三慘持榜至江頭城付阿必立相忙直
卜弄二人期以兩月領軍來江頭城宣撫司率蒙古軍
至驛甸相見議視事阿必立先乞於言朝廷降旨許其
悔過然後差大官赴關朝廷尋遣鎮西平緬宣撫司達魯
花赤兼招討使怯烈使其國二十四年正月緬王為其
庶子不速速古里所執囚於昔里怯谷刺之地又害其

嫡子三人與大官木浪周等四人同為逆雲南省請岑
秋進討奉旨不聽既而雲南王與諸王進征至蒲甘喪
師七千餘始平定歲貢方物大德元年緬王遣其子僧
加八的來朝賜王爵印封僧加八的為世子二年雲南
省先遣管竹思加使登籠國其國王遣其舅兀刺合兀
都魯新令二人從管竹思加赴闕二月至蒲甘緬王帖
滅的令可瓦力引軍登舟縛去兀刺合兀都魯新合劫
掠貢物以去六月管竹思加至大公城緬人阿只不加

聞等來言舊緬王帖滅的實行却奪於爾今已去位鄒
聶為王遣我輩召爾議遣人赴朝管竹思加至蒲甘鄒
聶曰帖滅的引八百媳婦軍破我甘當只麻刺班羅等
城又却奪爾登籠國人物爾等回朝不知其故必加兵
於我今帖滅的已廢時差大頭目密得力信者章者思
力三人奉貢入朝又移文雲南省稱本連城土官阿散
哥也皇帝命佩大牌子為官人初實無罪前緬王欲殺
之聖旨令安治僧民前緬王却通叛人八百媳婦引兵

來壞甘當散當只麻刺班羅四族百姓又劫奪登籠國
貢物是故阿散哥也阿刺者僧古藍僧哥速等廢前緬
王行省以聞三年八月太公城總管細豆移文江頭站
頭目逮的刺必塞馬加刺言阿散哥也兄弟三人領軍
三萬謂答麻的微緬王及其世子曰自歸大元之後使
我多負勞費殺緬王以下世子妻妾父師臣僕百餘人
雲南行省問其持文書來者我文哥言緬王就弑時謂
阿散哥也曰我祖以來不死於及可投我水中或縊死

遂縊之埋死所屋下七日風雨不止夢其國人曰吾埋
不得其地若焚屍棄骨於水則晴從之米然我文哥出
十餘日又聞世子及逃出次子之母與父師臣僕與前
此隨國信使留緬回回散吾兒漢人百餘輩皆破害阿
散哥也又逼淫新王之母是月緬王之子古馬刺加失
八颺耽八者里及其師來奔陳辭於雲南省乞復讎夫
槩謂阿巴氏叛緬王乞師朝廷伐定之叛人怒謂王求
軍殺掠我為人奴遂修城聚兵謀廢其王又僧可速左

右及阿刺者僧吉藍從人相繼從叛者殺害密里都邦
加郎等族王謂其兄阿散哥也可勸汝兄弟勿爾對曰
我說必聽不聽我親伐之王悉以其民付阿散哥也因
此力衆遂生二心王執而囚之僧哥速等於不甘雨宿
吉老亦之地築大地拒守水陸進兵來逼蒲甘王釋阿
散哥也令百官乘象馬從阿散哥也出見僧哥速等奪
象馬掠百官求錢物燒城池鎖王足置系牢中分其妻
妾王為皇帝奴冤苦如此望拯救雲南行省左丞忙兀

都魯迷夫又上言緬王歸朝十一年矣未嘗違失今其
臣阿散哥也兄弟三人以三罪加其身置父子縲絏又
通新王之母據舊王之妻妾假王罪皆實亦當奏從朝
區處乃敢擅權廢立豈有此理今其子來求救且小甸
叛人劫虜官民尚且赴救答麻刺的微王乃上命為國
主叛臣囚之豈可不救抑使外國效尤為亂將至大患
行省以聞已而又聞新主亦被弑阿散哥也篡立九月
中書聞於上止曰忙兀都魯迷失之言是也速議奏行

十二月阿剌哥也犯邊攻阿真谷馬來城距太公城上
十里駐兵尋退四年正月召忙兀都魯迷失赴關議兵
事五月故緬王壻馬來城土官納速剌上言大德元年
朝廷遣尚書教化迪伴送世子僧加八的還國國王集
衆聽詔惟阿剌者僧吉藍僧哥速不至二年二月二人
興兵叛來駐蒲甘近境王亦整兵諭叛賊之兄阿剌哥
也曰爾二弟不聽詔又敢為亂爾今退兵從命則已否
則是爾同謀阿剌哥也諭之不從王遂因阿剌哥也